

下地上莫不振肅執齋持戒尊奉天具學者以其月隨科修齋功記三官五帝列名上天六年尅得拜謁太上七祖皆昇福堂神靈佑護萬災不干
元始五老赤書玉篇具文天書經卷中

元始五老赤書玉篇具文天書經卷下 景
元始靈寶西北天大聖眾至真尊神无極大道上帝具皇老人常以月一日上會靈寶玄都西北玉山紫微上官奉齋朝天文校地上人鬼功過其日初北斗下與三官考召四部刺姦周行天下糾察兆民條列善惡輕重上言其日有奉修齋直不犯科律三官除罪列名玄都萬神衛護得為種民犯惡為非移名地官
元始靈寶北天大聖眾至真尊神无極大道太上老君靈寶妙行真人常以月八日上會靈寶玄都北上玉山陰元臺奉齋朝天文校地上兆民簿錄年命算籍其日初北斗司殺鬼下與八極司隸周行天下司殺善惡功過輕重列言其日犯惡為非移付地官執心奉齋不犯科律三官削除罪名三天記上仙錄告下天神地祇侍衛營護萬災不干
元始靈寶東北天大聖眾至真尊神妙行真人无極大道太上萬度萬生神皇上玄老元靈老君常以月十四日上會靈寶玄都玉山

通陽青微官奉齋朝天文校天下學道年月功過及鬼神之事其日初太乙使者下與北鄩都伯使者周行天地司察人神功過深淺列言上官有修齋立德即勒錄九天記名仙籍鬼神隨功進秩人鬼有犯移還鬼府
元始靈寶東天大聖眾至真尊神太清玄元上三天无極大道無上玄老太上老君太上丈人皇上老君皇上丈人青靈上真天帝君天帝丈人太帝君太帝丈人九老仙都君九氣丈人百千萬重道氣千二百官君太清玉陛下東極老人青華大神上相司馬青童金闕後聖帝君真陽始青神人靈寶九仙君等青和玉女主仙玉郎常以月十五日上會靈寶太玄都玉山青華玉陛官奉齋朝天文共集校定學仙人名功過深淺其日天帝自下
天帝自下者日月星宿天上天下地上下五獄四瀆河海神靈莫不慘然俱下周行諸天地上察校學士兆民功過輕重列言青官其日修齋奉戒則五帝保奉上言東華生死為仙勒下三界神靈侍衛千災不干有犯科

律移付地官

元始靈寶東南天大聖眾至真尊神无極大道南上赤帝丹臺老子太和玉女長生司馬好生君司命司錄南極度世君萬福君常以月十八日上會靈寶太玄都玉京山洞靈元陽之館奉齋朝天文共集校算人民祿命長短區別善惡其日勅太乙八神使者下與三官考召周行天下司察天人善惡列言丹臺其日有修奉靈寶真經燒香行道齋戒願念不犯禁忌則司命長生司馬注上生簿延算益命勅下地官營衛佑護列為善民有違科犯戒減算縮年移付地官

犯禁削除生籍移名鬼官

元始靈寶西南大聖眾至真尊神无極大道天皇老人南極元真君洞陽太靈君常以月二十四日上會靈寶太玄都玉京朱官共集考校三官九府五嶽北鄴泰山二十四獄罪刑簿目鬼神天人責役輕重之事其日勅北辰下與三官考召北部刺姦周行天下覆校諸司廉察萬民善惡列言朱官其日有修奉靈寶真經燒香行道執齋持法則北辰列言善功上官記名削除罪錄得為種民有違科律則長充鬼役不免三塗五苦之中

地官長為罪民

元始靈寶下元天大聖眾至真尊神无極大道下元玄黃洞淵洞靈萬仙五帝四司真人常以月二十九日上會高皇天太玄都玉京黃房奉齋朝天真算校五嶽四瀆河海水帝地靈神鬼之事萬民罪簡深重其日遣中太乙下與三官九府九部刺姦周行五嶽三官水府條正鬼事司人功過罪簡所由輕重列言玄都其日有修奉靈寶真經燒香行道執齋奉戒則為三官九府所保列言善功削除罪簡上名三天神明衛護千災不干有違科犯禁移名地官長為罪民

上萬生君萬生丈人無上萬氣君萬氣丈人
 無上萬元君萬元丈人無上萬福君萬福丈
 人鴻保天神諸君丈人玄元老君太清玄元
 上三天无極大道无上天丈人太上三氣君太
 上老君太上丈人太清君太清丈人太玄上
 一君太玄丈人中黃正一君中黃丈人太元
 君太元丈人太始君太始丈人太初君太初
 丈人太素君太素丈人太虛君太虛丈人太
 一君太一丈人太儀君太儀丈人太平君太
 平丈人太淵君太淵丈人天帝君天帝丈人
 九老仙都君九老丈人玉曆君玉曆丈人九
 氣君九氣丈人等百千萬億億萬萬數无
 鞅數萬重道氣君道氣丈人千二百君千二
 百官丈人太清玉陛下太上玉真君玉真丈
 人五仙君五仙丈人九靈君九靈丈人太清
 十二真君十二真丈人二十四神人君二十
 四神人丈人太清三十六真君三十六真丈
 人五氣君五氣丈人陰陽生炁君生炁丈人
 上上太乙君太乙丈人皇天上帝无極太
 上元君太上元君丈人太元一君太元一君

丈人神寶君神寶丈人眞寶君眞寶丈人天
 寶君天寶丈人靈寶君靈寶丈人元神君元
 神丈人元眞君元眞丈人元靈君元靈丈人
 天皇老君天皇丈人南極老君南極丈人黃
 神老君黃神丈人黃老君黃老丈人太和君
 太和丈人太上眞道君眞道丈人上古天
 師君天師丈人萬道父母萬德父母天地父
 母神仙所出神仙所聚東王公西王母日君
 月后五星眞君五星皇妃璇璣玉衡星眞君
 衆仙天官大神等常以月三十日上會靈寶
 太玄都玉京七寶紫微宮奉齋朝天眞萬帝
 衆神詣天諸地普集算校大劫小劫大小百
 六天地運度科別善惡學道應得神仙人名
 其日遣上太一下上太一自下其中諸天星
 辰日月璇璣北斗慘然俱下與五帝五嶽四
 瀆江河淮濟水帝九部刺姦三官考召地上
 神祇周行天下司察善惡功過輕重列言上
 天其日有修奉靈寶眞經修齋戒燒香念道
 爲太乙所舉列言善功則名上仙簿勅地神
 營護有違科犯戒移名付地官長爲罪民太

玄上官北帝常以庚申日制天民三尸魂神
 條人罪狀上奏帝君當此日能修齋奉戒晝
 夜思神則三尸不得上天言人之罪地司奏
 人善功列言帝君太一歡喜即記名左契長
 爲種民
 太玄上官至眞尊神常以甲子日遣大一中
 臺大使者下周行諸天諸地檢校神祇驅散
 雜俗鬼精當此日能設齋燒香中臺大使者
 皆條善功奏上三天上帝上帝即除爲監天
 領地上鬼神王者書名玉曆長爲真人
 太玄上官高眞大神常以立春之日會諸尊
 大聖仙人於太極上官算校玉札金名應得
 神仙之人列奏靈寶玄都上官
 太玄上官太素眞人常以春分之日會諸仙
 官於崑崙瑤臺校定靈寶眞經學者功業輕
 重列言靈寶玄都上官
 太玄上官五帝常以立夏之日會諸仙人於
 紫微宮校定學者功過列言靈寶玄都上官
 太玄上官天上三官常以夏至之日會於司
 命上官校定兆民算會簿錄列言靈寶玄都

上宮

太玄上宮五嶽諸真人常以立秋之日上詣中黃老君於黃房靈庭會諸仙官檢校天下神圖靈藥列言靈寶玄都上宮

太玄上宮上皇大帝常以秋分之日上登上

清靈閣太微之館會靈寶尊神太上五老君北極真公八海大神集算天下兆民罪錄功過輕重大小列言靈寶玄都上宮

太玄上宮陽臺真人常以立冬之日會論仙官玉女於靈寶陽臺之上校學道簿錄名目

輕重深淺列言靈寶玄都上宮

太玄上宮天真眾仙常以冬至之日上詣方諸東華青宮會於東海青童金闕上相至真大神校定眾仙名錄列言靈寶玄都上宮八節之日是上天八會大慶之日也其日諸天

大聖尊神妙行真人莫不上會靈寶玄都玉京山上宮朝慶天真奉戒持齋修行誦經各達天真威神周行天下四海八極五嶽名山學人及得道兆庶糾察功過輕重列言上宮其日諸天星宿日月璇璣地上神祇莫不振

爾凡是修齋持戒宗奉天文皆為五帝所舉上天右別書名玉曆記為種民告下三官神靈侍衛門戶整肅萬災不干至學之士三界司迎神仙度世上為真人為惡犯戒司考所紀移付地官長為罪民

五老靈寶五篇真文元始天書生於空洞之中為天地之根靈尊妙貴法教威嚴三元開張德冠諸天一十四德皆以三元齋之貴行標於高稱一者其德如太空無形蕩蕩為無始之宗二者其德如虛无無中生有有中歸

無三者其德如大道威靈恢廓為神明之寶四者其德如天澄清高虛廣覆無違五者其德如地開張廣納無毫不載六者其德如三光五曜諸天普受光明七者其德如高真敷演玄教為天中之尊八者其德如神人廣度

一切音受自然九者其德如太玄清開廣置為神仙之都十者其德如雲雨一切萬物普受其蔭潤十一者其德如風一切萬物受其施灌十二者其德如四時一切萬物受其生成十三者其德如泰山保固元祚安寧神器

十四者其德如大江蕩蕩無礙莫不開容靈文妙重斯一十四德其德如之巍巍高範量難可勝垂蔭福流萬劫無窮開明元化莫不由焉

靈寶五篇真文施一十四福福報如之一者形神澄正不受眾橫永離痛惱身無疾病二者萬魔降伏五帝所敬地祇侍衛心端神定三者上聖玄監天神記名右別簿錄削死上生四者德慧長新役使鬼神舉向所欲坐招自然五者神童玉女侍衛身形出入遊行所

在司迎六者天災宿伏福慶日臻門戶昌熾道德日隆七者門族端偉世世安寧中外享慶潤流無窮八者五帝所舉上補真人三界司迎項負寶光九者塵垢普消表裏明鮮身香體潔淨如金剛十者志無不尅願無不從

適意所欲洞達無窮心聰體聖神明交通十一者為諸天大聖尊神妙行真人五嶽飛仙一切所宗十二者功成德滿道報自然身生羽服白日昇天十三者功德之大上延七祖解脫三塗五苦八難上昇天堂受仙南宮下

流種孫世世興隆十四者功言一切蠢飛蚘
息已生末生門內六畜皆皆延年宗奉靈文
修齋供養斯功至重德報自然三官記識無
失毫分影響相酬其理甚明

二篇德福二十八條出玄都紫微宮上元格
中至真學者行之德也

玄都紫微宮中元格靈寶真文見眾真修齋
奉戒朝禮天文有一十二念一念精進苦行
不犯經戒每事尊法二念道尊德貴法化高
大心所希願三念悔謝眾罪無所隱匿整心
修敬每以盡節四念願求神仙得見真君免
度厄世身觀太平五念度諸苦難三惡之道
五災之中六念願得飛行駕乘雲龍七念為
億曾萬祖上世父母宿考解散免難徒責上
昇福堂八念家中大小同學之人福慶日昇
善念日生九念普為一切人民後世子孫厄
中得免居危獲安十念畜牧已下一切眾生
蠃飛蠢動及得喘息有生氣者普蒙惠澤恩
潤覆護十一念志遠榮華茲祇雜俗邪諂假
偽妖孽鬼神精魅雜法之術十二念使鬼役

神收攝邪妄天人無害普離眾惡三災九厄
十苦八難尅獲上仙白日昇天仙度之後與
道念同此一十二念發自然天心大慈之德
功懋諸天舊儀係靈寶中元篇自在玄都宮
玄都紫微宮中元格施一十二念而有一十

二報一者身體剛強軀形安寧二者名聲遠
著一切之人願所欲聞三者為諸天大聖尊
神妙行真人所見愛敬日月星宿所惠仙聖
所宗地祇所仰鬼神所畏四者世間萬姓敬
奉稱為真人吉無不利慶載永安一切蠢動
希為橋梁千精萬邪妖偽鬼神一時消滅舉
響從心五者謂之所詣出入行來吏兵衛身
天官導從地神奉迎六者制伏天地一切鬼
神坐致天厨玉女侍衛七者驅馳六甲運走
星辰訶役三皇走使鬼神行來坐起飲食卧
息天神侍護地神直衛八者所在住止方圓
三千六百里中妖偽雜俗姦詐魍魎一時消
滅九者交遊上道提携仙人浮遊五嶽出入
民間無敢疾傷十者斬邪破敵不教自行十
一者壽骨日生仙道日成道成德滿白日昇

天十二者得與上聖諸君丈人為友昇入無
形與道合同此十二報施德所延上帝所貴
坐要自然
二篇施念獲報二十四條出玄都紫微宮中
元格中至真學者行之德也

玄都紫微宮中元格靈寶真文明見眾真奉
齋朝禮天文有一十二恩一者解上世之考
及見世之罪二者致福却禍三者來生却死
四者招財致祿五者宜後世子孫六者福延
先七七者見世興隆八者與天地結親九者
交友真人十者卒得上仙白日昇天十一者
仙度之後上昇道堂十二者一切普福為世
橋梁其一十二恩皆精行所致德感天真
玄都紫微宮中元格靈寶真文明見眾真奉
齋朝禮天文有一十四功一為上世二為子
孫三為居世四為居山五為修道六為求仙
七為眾官八為治民九為眾生十為世間十
一為天十二為神十三為人十四為一切萬
物齋直上聖之法清虛簡素棄穢來真上應
列星中應人情下副物心聖者見之謂之聖

仁者見之謂之仁智者見之謂之智賢者見之謂之賢元始置法為衆道之尊上帝之所修來者之橋梁也

二篇施恩置功二十六條出玄都紫微宮下元格中至真學者行之德也

元始自然赤書玉篇真文開明之後各付一文安鎮五嶽舊本封於玄都紫微宮衆真侍衛置立玄科有俯仰之儀至五劫周末乃傳太上大道君高上大聖衆諸天至真奉修靈文敷演玄義論解曲速有十部妙經三十六卷玉訣二卷以立要用悉封紫微上宮衆真並以上合天慶之日清齋持戒上會玄都朝禮天文誦經行道上讚元始自然之章中和三元洞明之氣下慶神真大慈之教道在則尊唯清為貴故齋戒存其檢行當其齋日諸天大聖尊神妙行真人日月星宿皆會玄都玉京之臺紫微上官持戒朝禮旋行誦經諸地上五嶽神仙真人四海水帝比鄴三官三界地祇一切神靈莫不束帶肅然持齋尊道重法以崇天真也其儀典格式具出靈寶中

金紫格有左右陰陽考典賞

靈寶真文以赤明開玄之始號曰空潭赤書景皇真文天地分判天號之靈地號之寶故曰靈寶至黃帝五劫下教度得道之人今得昇玄矣

元始五老赤書玉篇真文天書經卷下

太上諸天靈書度命妙經

其四

元始天尊時於大福堂國長樂舍中與諸天大聖衆飛天神王俱坐七色寶雲是時元始告太上道君曰頗聞大福堂國十方邊土有悲泣之聲不道君稽首上白

天尊曰入是境七百五十萬劫不聞此土有悲歎之聲不審是何故天尊又問道君頗聞絃歌歡樂之音不乎道君稽首答曰此土男女自眼所照以來七百五十萬劫不覺國人形有衰老是男是女皆同一貌如是受生居在福中恒無憂感唯樂是欣於是

元始天尊含笑放五色光明從口中出照一國地土靈寶真文於光中煥明文彩洞耀曠朗五方道君長跪稽首瞻仰願聞其要元始天尊答曰汝見真文在光中不此文以龍漢之年出於此土時與高上大聖玉帝撰十部妙經出法度人因名此土為大福堂國長樂之舍靈音震響澤被十方是故此土男女長壽無有中夭不歷諸苦不履憂惱不墮三塗不經八難門無悲泣之聲唯有歡樂之